



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In electione alicujus ad dignitatem.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

hanc filiationem id sequitur quod dicitur 1. Joan. 3. *Nunc Filii DEI sumus & nondum apparuit quid erimus, quia cum apparuerit similes ei erimus, quoniam videbimus eum sicuti est.* Quid faciat hæc filiatio non videmus modò, sed videbimus post mortem, quando non baptisati rejicientur à cœlo, baptisati admittentur: quando sicut Fratres cum Christo confidebimus. Joan. 3. *Nisi quis renatus fuerit ex aqua & Spiritu S. non potest introire in regnum DEI.*

Nascitur per Baptismum Filius DEI, sed adhuc eget tutoribus, datur in tutorem ille sanctus cujus nomen baptisato imponitur. Unde Amor 6. *Vae qui imponunt nomen suis Filii Filiorum Gentium.* Datur nomen sancti ut habeat exemplum continuum quomodo tueri debet suam filiationem exemplo sancti apud DEUM, ne illam vitâ malâ amittat, ut semper baptisatus, id est, locus inveniatur, nunquam inquinatus ut pudeat illum non esse talem qualis nominatur. Dicitur est alicui Militi pusillamini, qui se Alexandrum vocabat. Aut nomen muta, aut gere te ut Alexander Epiph. hæc. 78. *Ex ipsis nominibus etiam virtutum signa elucent &c.*

CONCIO.

In electione alicujus ad Dignitatem, vel ejus acquisitione.

CUM in cœlo Christus ad suam Dignitatem à Patre provehetur, factus est triumphus. Apoc. 19. *Audivi quasi vocem turbarum multarum in celo dicentium, alleluja, laus & gloria & virtus DEO nostro, & iterum dixerunt alleluja, & ceciderunt seniores viginti quatuor, & quatuor animalia, & adoraverunt DEUM sedentem super thronum, amen, alleluja.* Correspondet & terra. Et audivi vocem quasi turbae magnæ, & sicut vocem tonitruorum magnorum, dicentium alleluja. Quæ causa? Quoniam regnavit D. DEUS noster omnipotens. Pannonius & Anselmus

mus explicant quia collocatus ad dextram Patris in corpore. Cum electus esset Edelpus in Regem Anglorum ut scribit Blondus, lib. 5. & dum in terra, per tres horas caneretur, cecinit tamdiu & cælum. Stellæ choros egerunt, quod idem accidit in Honorio Imp, ut scribit Claudian. Quod Christo accinuerit terra, causa est, quia & terræ est Rex, sed quod cælum Edelpho, vel quia in locum optimi Patris Egberti succedebat: vel quia id ipse Edelphus merebatur. Nam Angliam fecit tributariam Leoni Pontifici ut ex qualibet domo nummulus argenteus ad Sedem Apostolicam perveniret. Electus est nuper N. poterat qui publicabat uti verbis Hiram. 3. Reg. 5. *Benedictus D. DEUS, qui dedit David, filium sapientissimum super populum hunc plurimum.* Nihil deest in Electo quare Tobias 3. verbis uti possumus, *Jerusalem civitas Domini consistere Domino in bonis tuis, & benedic DEO seculorum qui reedificavit in te tabernaculū suum nationes ex longinquo ad te venient, & munera deferentes adorabūt in te Dominum, & terram tuam in sanctificationem habebunt. Nomen enim tuum magnum honorabunt in te.* Quare omnes DEO canimus hodie, alleluja, & gratias reddimus, quia providit templis Patronum: &c. deberet & cælum continere, nam succedit in locum viri probi, succedit bonus ipse, & sum certus quod in hac electione consentit cælum terræ. Et hæc prima erit pars sermonis. Deinde quod cælum signis aliquibus approbet electiones, sicut & modernam. Demum Symphoniam Musicæ cælestis & terrestris producam *Vivat.* Cælum cum terra ad electiones concurrat. Apoc. 1. c. terra canit alleluja, cælum verò, Amen alleluja. Quia terra eligit, cælum confirmat. Addit Amen, Fiat. Daniel 4. Nabuchodonosori proponit DEI potentiam. *Scias quod Deminetur Excelsus in regno hominum, & cuicumque voluerit det illud, Syrus legit. Cuicumque volueris adjacet sortem.* Patet in Rudolpho secundo Imp, qui hoc symbolum assumpsit. Sex erant calculi

in mensa, septimus in aëre pendebat. Inscr. *Consentientibus*. Sex calculi. Censuit non potuisse Electorum sex vota, nisi de caelo septimum accessisset. Unde Ethnici aliqui dicebant, ut Calimachus, *Ex Jove sunt Reges*. Alii vocabant ex DEO genitos, alii à DEO nutritos ut Homerus, alii non sinebant conringere chronum, nisi DEUS hoc illis indicavisset. Ita Romulus. Alii pro oraculo habebant ut Plin in Paneg. *Principem dat DEUS qui erga genus humanum vice suâ fungitur*. Suos vicarios quisque sibi statuit ipse. Magistratus non solum sunt vicarii, sed etiam participes potestatis DEI, radii solis.

Numidæ ut est in Epitom. var. antiq. Regem appellabant in sua lingua Kauriach hoc est, rivum (idem est de quo vis Magistratu) Quia habebant fontem dictum Juppiter, cui tempore interregni sacrificabant, orando ut illis Regem indicaret, & cujus faciem ibi Sacerdos vidit, eum appellavit Regem, eam dabant illi quotidie ad lavandum aquam, adjecto, Domine Kauriach, id est, *memineris te rivum*. Hæc supersticio, sed veritas est, à DEO fluere Magistratus ut rivos à fonte. Vidit Apoc. 19. Equitem in veste cruentata multas coronas in capite ferentem, quis est hic? *Verbum DEI*. Quid amplius? *Habebat in femore suo scriptum, Rex Regum, & Dominus dominantium*. Cur cum unum caput, multæ coronæ? cur nomen Regis gerit in femore! unam pro se coronam habet, alias pro aliis. Ille enim est quem in medio Regum vidit 4. Esdras 2. *Juvenis statura altus, singulis eorum capitibus imponebat coronas, & exaltatur magis*. Titulum in femore portat, quia ex illo omnes Reges veluti generati procedunt. Quare bene scribunt. *DEI gratiâ agnoscitis vos rivos, radios*. Magistratus in Polonia est Rex Regum, plurium caput caronarum capax, quia à pluribus eligitur qui sunt coronæ capaces, non sex hic calculi. Gratias agit Anna pro Samuele 1. Reg. 2. & post multa

multa dicit. *Domini enim sunt cardines terra, & posuit super eos orbem.* Hugo Card. Dicit hoc Anna, quia non fortunæ agnoscit orbem, sed DEI. & variis nationibus variè providet de Magistratu. Hunc orbem solus DEUS agit, ita solus dedit Regem David. 1. Reg. 16. ut ibi legitur in longum. Pastorem fecit Regem Jer. 18. *Descendi in domum figuli, & ecce ipse faciebat opus super rotam, & dissipatum est vas quod ipse faciebat è luto manibus suis, conversusque fecit vas alterum, sicut placuerat in oculis suis ut faceret.* Ambiunt multi, Deus unum eligit. Aliquando hunc orbem, hanc rotam DEUS dat in manus hominum, ut per successionem accipiant regna, dignitates, & ipse solum generalem retinet concursum, & hæc rota potest dici, *Rota nativitatatis.* Ita succedebant post Salomonem cui DEUS hanc rotam dedit, ejus successores. Pl. 88. *Ponam in seculum seculi semen ejus & thronum ejus sicut dies cæli.* Computavit ut in sphaera solis diem post diem, ita Regem post Regem, Matth. *David ex ea que fuit Uria, genuit Salomonem &c.* Inter diem & diem media est nox, ita inter Reges mors. Dies alii festi, alii feriæ, Reges alii sancti, alii improbi. Una dies longior quàm alia, unus Rex diutius vivit. Una serena dies &c. DEI gratia, cum fit successio, ex gratia illius fecundi Parentes, quod in ventre Matris non mortui. Quod primi, quod ad hanc ætatem pervenerint, quod primogeniti. Alb. M. vidit Venetiis lapidem in templo S. Marci in quo caput hominis coronatum Cui debet hoc caput coronam? non artificii quia à natura, soli DEO. Dat denique DEUS hanc rotam hominibus & cum illis speciali concursu volvit, liberè eligentibus, & potest dici, *Rota in medio rote,* siquidem ejus consilia ingrediuntur humana saluâ libertate. Ita electus Saul per sortes ut Rabini narrant, quanquam duodecem tribus se stitissent. cecidit fors super Beniamin, deinde super familiam Metri, tandem pervenit ad

nit ad Saul. Ita fiunt & Reges in Polonia, & multi Magist-
 rus, in quo solia cum Papali & Cæsarea electione consonant.
 Hic non potentia, non fortuna, sed virtus; non datur in heredi-
 tatem quod per illam non acquisitum, quia sæpè sunt dege-
 neres. Ex Davide natus incæstuosus Amon, rebellis Absalon.
 Ex Salomone sapiente stultus Roboam, qui stultè decem tri-
 bus amisit. Ex Josaphato victore hostium prodiit Joram ca-
 sor Fratrum. Ex Josia zeloso Sedecias Idololatra. His movetur
 Polonia, nec merita Patrum exemplo Antigoni, de quo Ko-
 kerus, in filiis coronat, sed propriam virtutem. Liberum &
 modo fuit orbem vertere aliò, tamen ad hunc vertit; memise-
 runt virtutis Majorum, Habuit alios, sed vidit hujus merita.

Et licet Electores hanc rotam agitaverint, tamen pri-
 mas habuit DEUS, qui ab æterno præordinat quos in tempo-
 re eligunt, deinde non factâ vi libertati eligentium ita voca-
 conformat, ut ille eligatur. Electus Saul per sortes, tamen
 bis illum priùs nominavit DEUS Samueli. Ex primis pridie. 1.
 Reg. 9. *Hæc ipsa hora qua nunc est, cras mittam virum ad te de*
terra Benjamin, & unges illum Ducem super populum meum Israel
 Deinde. *Erit vir quem dixeram tibi, iste dominabitur populo meo*
 Plura sunt exempla, scribit Krantzius hist. Vand. lib. 1. Quan-
 do virgo Libussa in Boemia regnabat, urserunt ut virum ac-
 ciperet, tandem equum suum optimè ornatum liberè dimisit,
 adjecto ut Senatus eum sequeretur, & si incidisset in hominem
 in ferrea mensa vescentem, ibique stitisset, illum equo imposi-
 tum illi ipsi adducerent. Tandem pervenit ad Prybyslaum rusti-
 cum supra vomerem prandentem, hic stitit. Imponitur homo
 equo, hunc Libussa accipit in maritum, & Boemi in Regem,
 fuit summa pax in ejus regno. Vomer asservatus Pragæ in
 templo S. Venceslai, & ante novum Regem deinceps præfe-
 rebatur, Ita DEUS è longinquo prospicit Ette N. ab æ-

tertio DEUS ad hanc dignitatem ordinavit, in tempore manifestavit ex equo tuo id ominabamur, qui per varias acies vagatus, ex ferro est. Ipse DEUS nos instruxit cum omnium corda in te inclinavit. Es DEI gratiâ, tu agnoscis, nos agnoscimus, quia in nostrum bonum es electus, & hodie DE O agimus gratias, & precamur ut te servet.

Aliquando DEUS signis externis nuntiat quem velit esse electum. Terra & cœlum sunt libera, liberas habent voces, nec semper consentiunt nec semper terra ad cœlum recurrit, sed ad affinitates &c. Itai 3. *Apprehendet vir Fratrem suum, & domesticum Patris sui, & dicit. Vestimentum tibi est, Princeps esto noster.* Aliquando cœlum electioni terrenæ contradicit ita Oleas. 8. jubetur contradicere. *In gutture tuo sit tuba quasi aquila, super domum Domini &c. ipsi regnaverunt & non ex me, principes extiterunt & non cognovi.* Aliquando Rex non habet testimonium DEI quia illum permittit solum propter peccata populi, ut Jeroboam, cui dicit per Ahiam 3. Reg. 21. *Ecce ego scindam Regnum Salomonis & dabo tibi decem tribus id est, permittam.* Quare DEUS dat signa externa illi quem ipse & terra elegit. Aliquando per animalia bruta, sic Martianum ut Baron tom. 5. futurum Genferico ostendit, cum supra incarcerationum sapiens aquila volitaret. Aliquando à se electum à præsentis periculo liberat, ita non solum ab A-talia Joas, sed etiam Theodosius à Valente p. orectus. Valens scire volens quis successurus, hic superstitione usus scripsit in mensa totum Græcum alphabetum, cuique literæ apposuit aliquot grana hordei; immisit gallum, ut si alicujus literæ non tetigisset grana, illum expectaret successorem. Circa literam Th. non attigit. Valens occidit omnes Theobulos, Theodatos, Theodoros &c. DEUS servavit Theodosium. Aliquando defectum terræ circa electionem exhibet, ita in corona-

rona-

ronatione Clodovæi, quem uncturus erat S. Remigius, defecit oleum, columba attulit in rostro ampullam chrysmatis. Et in te Electo sunt admiranda.

Commune electionis Divinæ signum dedit Agefilans Rex Lacedæmonum, apud Brusan. lib. 7. *Illos Reges Divino munere dari, qui dicunt optima, agunt honestissima.* Tua verba sunt nota &c. Sed non desunt alia, ut fas sit cum Davide Pl. 117. *A Domino factum est istud, & est mirabile in oculis nostris.* Et sunt eadem quæ ostendit DEUS in electione Saulis. Cum DEI nomine Samuel indicastis Sauli quod esset Rex dixit 1. Reg. 10. tale signum. *Cum abieris hodie à me, invenies duos viros juxta sepulchrum Rachel, in sinibus Benjamin, dicentque tibi, inventa sunt asina ad quas jeras perquirendas.* Alterum signum. *Cumque abieris inde, & ultrò transieris, & veneris ad quercum Thabor, invenient te tres viri ascendentes ad DEUM, in Bethel, unus portans tres hædos, & alius tres tortas panis, & alius portans lagenam vini, cumque te salutarint dabunt tibi duos panes, & accipies de manu eorum Tercium signum. Posthæc venies ad collem DEI, ubi est statio Philistinorum, & cum ingressus fueris ibi urbem, obvium habebis gregem Prophetarum &c. & ante eos psalterium & tympanum, & tibiam, & cycharam, ipsosque prophetantes, & insiliet in te spiritus Domini, & prophetabis cum eis, & mutaberis in virum alium.* Hæc signa in electo ostendo & dico. 1. Reg. 10. *Certe videtis quem elegit Dominus, quoniam non sit illi similis in omni populo.*

Primum signum. *Cum abieris &c.* Num modo Saul cogitare debet de asinis? digna Principe cogitet. Itai 32. *liberabis populum DEI de manibus inimicorum ejus qui in circuitu ejus sunt.* Inveniat arma, equos &c. Sed DEUS dabit signum, quia futura esset quies in domo Saul repertis asinis, omnes turbabantur. 1. Reg. 9. *Transferunt per terram Salisa & non*
invenit.

invenerant, traserunt & per terram Salim & non erant, & per
 terram Femini & non repererunt dictum illi prope sepulchrum,
 inventa sunt asina, ad sepulchrum Prædecessoris dicam Ele-
 ctio, electio pacifica. Pl. 96. *Manus Domini excelsa & non no-*
stra fecit hæc omnia. Templum erat unum; locus electionis,
 de illo quod Jacob. Gen. 32. *Castra DEI sunt hæc, & appella-*
vit nomen loci illius Manabaim. Hoc est castra, non erat ibi tu-
 mulus, Templum voco Salomonis 3, Reg. 6. *Malleus & secu-*
rus & omne ferramentum non sunt audita in domo cum edificaretur
domus Domini, quia ex lapidibus ad hoc paratis. Sed in hac
 electione mirum, vocabo tamen castra. Cant. 6 *Quid videtis*
in Sunamitide nisi choros castrorum? Non pugna sed chori. Tem-
 plum pacis quod Vespasianus restauravit, ut in eo thesauros
 Jerosolymis advectos conservaret, ut scribit Fulgos servavit
 sub feris, sed hic sine his. Appellabo adhuc turrim David. Cant.
 4. *mille clypei pendent ex ea, omnis armatura fortium,* omnes ar-
 ma appenderant. Non est N. in mundo electus. Mundus
 recte S. Chrysostr. orat. de S. Philogomo. *Ubi calumnia, ubi in-*
vidia, ubi perturbationes, ubi ira, ubi cupiditates, ubi innumerabi-
les insidia, ubi quotidiana sollicitudines, ubi perpetua, sibi que succe-
dentia mala sunt, innumeros ex omni parte dolores afferentia. Cau-
 sa horum. *Meum ac tuum frigidum illud verbum, & quidquid est*
malorum in vitam nostram invehens, innumeraque gignens bella.
 Contrarium fuit in loco Electionis. *Inventa sunt asina.* Non
 fuit Meum ac Tuum, quisque suo contectus. Sunt aliqui tales ut
 Apoc. 6. *Cum aperuisset agnus sigillum secundum, exivit equus*
rufus, & qui sedebat super illum, datum est illi, ut sumeret pacem de
terra & ut invicem se interficiant, datus est illi gladius magnus, po-
tuisset hic eques multa mala facere. Sed factum ut
 Mich. 4. *Concident gladios suos in vomeres, & hastas suas in*
ligones, non sumet gens adversus gentem gladium, sede-
bit

bit vir subtus vineam suam & non erit qui exterreat. S. Iagviricus, ut est in epist. var. hist. Episc. Hieropolitani cum esset in Thracia venit ad Morisenos, conquesti coram illo quod asfiduas turbas haberent, dixit illis. *Socialis pax est Morisenu, soror ejus est aequitas, mater sedulitas, filia securitas. Si germanitatem hanc pacis tenueritis, pacem intus incolam habebitis.* Hæc apud illos deerant. Curarunt Pacem depingi cum hac affinitate, sed re ipsa debet esse, sicut fuit in electione Sauli, & in moderna. Soror æquitas, non perierunt asinae Sauli quia æqui erant illis homines, Aug. in Ps. 84. *Due amice sunt justitia & pax, ipse se osculantur, si amicam pacis non amaveris, non te amabit ipsa pax, nec veniet ad te.* Illum equitem de quo modò diximus qui omnes turbabat, sequebatur alter. Apoc. 6. *Cum aperisset Agnus sigillum tertium, & ecce equus niger, & qui sedebat super illum, habebat stateram in manu sua, & audivi tanquam vocem in medio quatuor animalium dicentium, Bilibris tritici denario uno, & tres bilibres hordei denario uno, & vinum & oleum ne laferis.* Justitia clamat, *ne laferis.* Vos fuistis in cavendis dampnis. Traiani, in decretis Areopagicæ, in executione Seleuci apud vos Isai. 31. *Erat opus justitie pax & cultus justitie silentium excusatio falsa siluit,* Jer. 15. *Qui ad gladium ad gladium qui ad mortem ad mortem, qui ad captivitatem ad captivitatem.* Præ oculis verfabatur Deut. 6. *Munera excecant oculos sapientum, & pervertunt causas justorum.* Pacis Mater sedulitas. Saul diligenter quæsitit asinas, sedulitas præcavit dampna. Demosth. in 25. proæ. *Nihil est cautis hominibus & circumspèctis adeo formidabile, quin diligentia præcaveri possit, nec ullum malum est quin incautus evenire queat.* Si paulatim aquila pennas amittat, fit ut Dan. 7. *Sublata sunt alia aquila, & stetit super pedes quasi homo, non volavit.* Achab lorica tectus, quia partem non tectam reliquit, periit. 3. Reg. 19. *Quidam retendit in incertum sagittam dirigens, & casu percussit Regem Israhel inter pulmonem.*

monem & stomachum. Munitus Goliath. 1. Reg. 18. sed patuit
 frons. Judic. 10. Paucos capillos amisit Samson robustus, fa-
 ctus ludibrium. Prov. 19. *In stillicidiis humiliabitur contignatio.*
 Dan. 4. lapillus statuam Nabuchodonosor evertit. Parvares
 micæ. Joan 6. *Colligite fragmenta ne pereant* propter aliquot
 minuta verus Calendarium multum aberravit, & si mundus
 staret 27. millibus annorum Pascha in sept. celebraretur. Ad
 parva attendendum, ne frons nuda, miles egeat, in Patriam
 sagitta jaci possit, ne gutta lachrymarum incidat, ne micæ pe-
 reant, quærat Saul et si non ipse amisit, Eccl. 19. *Minimum pro
 magno placeat tibi & improprium non audies.* Pacis filia securitas
 reperitæ asinæ. *Dixerunt duo viri in finibus Benjamin, inventa
 sunt asinæ.* Prædia sunt ut asini et si preciosa, nam & Isachar
 Gen. 49. *Asinus fortis,* Ilai 21. *Cyrus ascensor asini,* id est Perfidis;
 Asina quam conscendit Christus Gentes & Judæam nocabat.
 Alex. ab Alex. 1. lib. 3. cap. 8. Quadrigæ asinorum trecentis
 millibus æstimate. Apud Indos ex asinis bellabatur,
 Ammonius duobus suis discipulis Origeni & Porphyrio ad-
 junxit asinum. Val. Pier. Asinus laboriosus. Eccl. 33. *supposuit
 humeros ad portandum* Gen. 49. *Asinus factus est tribus servi-
 ens,* rustici fit vera Democriti fabula. Sicut scorpio momor-
 dit, sic asino ad aurem hoc ipsum, in illum transibit dolor,
 transit in rusticos cum Domini mordentur. Fecit hanc se-
 curitatem Electus.

Concurrentes ad eandem Dignitatem vota dederunt in
 Electum, hoc est alterum miraculum, hoc signum Sauli dede-
 rat Samuel. invenies cum panibus, vino. Omnes erant Fideles,
 quia ad eandem in Bethel Ecclesiam ibant, politici quia Saul
 salutant, liberales ferunt, hædos, panes, vinum, quid hoc ad e-
 lectionem Sauli? Forte in hoc voluit experiri DEUS an Saul
 non futurus esset rapax? 19. *Austerus sum tollens quod non posui,
 & metens, quod non seminavi.* an non ut Tyberius cum singulis

mensibus acciperes tributa menses 14. statuit in anno; & hoc per Licinium libertum, qui ideò dictus *Spongia*, poterat rapere Saul iam regni certus. Nam 1. Reg. 8. dixit de illo Samuel. *Hoc erit ius Regis, agros vestros & vineas, & oliveta optima tollet à vobis, & dabit servis suis. Præterea Sauli 1. Reg. 9. Panis defecit in sit arcibus nostris, & sportulam non habemus,* tamen solum quod datum est accepit. Ita Reges legē circumscripti. Ezech. 45. *De terra erit possessio Regi in Israel, & non de populabuntur ultra Principes populum meum. Hæc dicit Dominus, sufficiat vobis Principes Israel, iniquitatem & rapinas intermitte, separate consinia vestra in populo meo.* Ita de Electo nemo conquestus: Minerva ædificavit sibi domum, Manus dedit illi vitium, quia ex uno loco non posset transferrri in alium, si vicinus potentior juxta esset. Ita Svaris nobilii confossus inter cadavera jacuit, vidit eum Ladislaus Lothicus Rex, compassus, at ille, plus me affligit vicinus malus. Liberavit eum à vicino Rex, & quia bona Regia erant ex altera parte qualibet hebdomadâ curavit interrogari, an etiam nunc haberet vicinum malum? sic tu es justus Electe. Tres viri Sauli occurrunt cum rebus tribus veluti futuri regni symbolis, DEUS bellantem Perlam cum Græco Dan. 7. ostendit per Arietem pugnantem cum hædo. *Aries quem vidisti Rex Medorum est atque Persarum, porro hircus caprarum Rex Græcorum est.* Justin. Cranaus Græcus quærebat jussu oraculi sedem in Macedonia cum Aemathiam accessisset propter nebulam & tempestatem nescivit quò se verteret, gregem caprarum secutus intravit Edessam, occupavit, in sceptro deinde gessit caprum: ita hædus symbolum regni. Sed etiam panis. Guieciardin refert. Dicebat Christiernus. *Veltigal regnorum est norvius, panis remus.* Joseph Antiq. Jud. Propositionis panes tegebat corona; in mappa erant aut picta Regum capita, Quare Christiernus fa-

etus Rex Danorum, habuit pro symbolo, naviculam in qua
 erat remus cum pane. Cùm daret panem Christus Joan. 6.
Tunc cognovit quia venturi essent ut vaperent, & facerent eum Re-
gem. Hai 3. excusat se à Regno, Non sum Medicus & in domo
mea non est panis. Curt. Cum Alexander invalurus esset Ty-
 rum, parabant Tyrii arma. Quæ dum quidam faber cuderet,
 sanguis è ferro ubertim profiliit. Eodem tempore in Castris
 Alexandri panem quidam scidit, & ex eo sanguis fluxit, terri-
 ta utraque pars sed Alexander ex hoc auguratus suis victori-
 am, Tyriis exitium. Consumuntur ut panis qui in sanguinem
 vertitur. Vinum etiam regnum significat Jud. 9. *Locuta sunt*
ligna ad vitem, veni & impera nobis. Vitis est vitis ex Astiage
 prodire & totam inumbrare Asiam. Xenophon. Prodiit ne-
 pos Cyrus qui totam occupavit. Guicciard. Pro stemmate
 habuit Hernandus Dux Mantuæ vitem circa platanum cre-
 scientem, Inscript. *Surgitur annisu, non surgit Rex sine popu-*
li subsidio. Prov. 28. *In multitidine populi dignitas Regis, & in*
paucitate plebis ignominia Principis. Sed amplexatur vitis suum
 fulcrum. Prov. 20. *Clementiâ Regis roboratur thronus.* Per
 hæc omnia innuitur Sauli ejus regnum Chrysol. sic alloquitur
 Christum die Epiph. *Aspice terna ista, qua tibi trium ab oriente*
virorum servitus exhibet munerum simulachra: plura tibi appa-
rent numero sed unum quod præfigurant regnum: plura signo, u-
num voto. Veniunt ad vos Competitores, qui jam sunt unum,
 unio voluntatum facit unum. 1. Reg. II. *Egressa sunt trecenta*
actriginta millia virorum, quasi vir unus. Sed sint tres, cum
 sint plures ferunt signa Magistratûs, & appreciationes. Ma-
 gnum miraculum hic consensus. Post mortem Philippi Ma-
 riæ Ducis sui elegerunt Mediolanenses duodecem viros. Con-
 currit ad Ducatum Fridericus IV. Imp, missis Legatis; con-
 currit & Alphonsus Rex Aragonum, & Carolus Dux Aureli-
 anensis

anensis, & Franciscus Sfortia Vicecomes, nihil effectum. Legati audiuntur, & Ducatus discernitur. Veneti accipiunt Placentiam, Cremam, Laupam, Ludovicus Dux Sabaudie Valentiam & Florentiam. Astia Carolo Aurelianensi adhæsit, Papiæ internis discordiis corrui. Parma confæderavit se cum aliis civitatibus, scimus quid in Electionibus & apud nos fiat, *Ambrosius, Indomabilis est regnandi cupiditas, ad imperii jus cui id natura negavit, fortuna pedibus ambitio procurrat.* Hic consensus. Instat qui ipsi hac dignitate sunt digni, Fratres reperti qui in utero se cum rixati de primatu. Gen. 25. Patriarcha. *Ecce in ipsis materni uteri augustius, non discordes tantum Fratres legimus sed bellantes estne igitur novum quod faciunt armati, quod solent necdum nati?* Fuerunt isti Elau & Jacob reperti, Fratres qui se propter regnum occiderunt. *Vetus urbs Romæ sed vestrorum urbis infamia est, fraterno sanguine maduisse.* Romulus occidit, Remum, Getam Caracolla, & permisit Fratrem esse Divum dum non esset vivus. Reperti Gemelli, Etheocles & Polmices qui alternis regnabant annis, se denique mutuo confecerunt, & dum urentur, flamma divisa fuit, de quo Stacius. Reperti in Aquitania Fratres qui alternis mensibus dominabantur, & ne errarent, retinebant ad hoc Astreum Lyricinem, cui oculi cum luna mutabantur. *Causin scribit, in novilunio nihil videbat & tum alter succedebat.* Reperti qui regnum inter se discerperunt. Ita tres Filii Targirrai Regis Tartarorum, de quo Herodot. sed ut uni torum daret DEUS demisit è caelo aratrum, securim, jugum, craterem. Hæc dum major levat, omnia aurea erant, igne ex illis erumpente absumitur. Idem accidit medio, accepit securè Minimus & totum regnum possedit. Hic concordia. Eccl. 23. *In tribus placitum est spiritui meo, que probata sunt coram DEO & hominibus.* Inter hæc præcedit, *concordia Fratrum.* Canendum cum Ps. 132. *Ecce quam bonum*

bonum & quàm iucundum, habitare Fratres in unum? Pudeat Adoniam qui tentat Fratrem Salomonem supplantare. 4. Reg. 11. & te pudeat Abimelech qui Jud. 9. Septuaginta Fratres occidisti ut solus regnares. Crescite concordēs ut Siluri sagittæ. Hoc idem pro Electo vicini petebant. Illi tres qui occurrerant Sauli circa quærcum montis Thabor id fecerunt. In eo facta postea Christi transfiguratio forte innuebant Sauli, futurum illum ex Pastore Regem. Vocabo locum electionis hanc quercum, & hic volebas aliquem transfigurari, apparuit ibi Petrus, Jacobus & Joannes, hic multi, & clamant. *Bonum nobis hic esse*, sub regimine nimirum Electi. ibi apparuerunt alterius ævi Moyses & Elias, hic ex aliis Districtibus. *Loquebantur de excessu de morte præteriti, eligendo novo.* Vox DEI in cordibus sonat eligentium. *Hic est Filius meus dilectus in quo mihi bene complacui, ipsum audite.*

Tertium miraculum, velox omnium concordia in Electum N. Cuneum Prophetarum pro signo dedit Samuel Sauli, quid ad hoc rem? cur non Aulicos? Quia prius opus sapientiæ. Cicero *Parum sunt arma foris nisi sit consilium domi.* De Aulicis Alanus de planctu naturæ. *Isti sunt fabri laudis, figuli falsitatis; hi sunt qui magniloquâ commendationis tubâ in Divinum aures cytharificant, qui modicæ adulationis favos foras eructant, qui ut emungant munera caput adulationis oleo inungunt, Principum auribus pulvinaria laudum subjiçunt ab eorû pallis aut siccitium pulverem excutiunt aut vestem siccitii deplumant implumem.* Sed, *Qui adulationi auscultant, amphoris similes sunt quæ auribus circumaguntur.* Sed cur non occurrerunt Sauli milites? quia ut Stobæus. *M. lites plus valent ad veritatem eliciendam quàm dicendam.* Cur non Oeconomî, hi sæpe in rationibus falsi. Luc. 16. *Reo de centum, dicunt, scribe quinquaginta.* Prophætæ verum dicunt. Opus fortitudinis. Dicit Mich. 3. *Verum tamen ego repletus*

pletus sum fortitudine spiritus. Opus bono iudicio. Eccl. 37. Anima viri sancti enuntiat vera, quam septem circumspectores sedentes in excelsis. Et sic in his omnibus deprecare Altissimum, ut dirigat in veritate viam tuam. Sæpius dicebat Ludovicus XI. Rex Galliarum Omnibus in regno abundo excepta veritate. Omnia membra vestiunt rosis, solum & spinis. Bene quod Saul incurrit in Prophetas, & quidem multos, nam unus posset tacere. Huiusmodi. *Veni mihi quia tacui.* Eliaus risu excepit, 4. Reg. 8. Misit Benadad Rex Syriæ Asaelem ad illum si sanari potero de infirmitate mea hac? respondit. *Vade dicei sanaberis & ubi illi abiit.* Porro ostendit mihi Dominus quia morte morietur. Sed cuneus ibi ut cuneus, unde tot Prophetæ? DEUS ordinavit, nam aliis 1. Reg. 3. *In diebus illis non erat Prophetæ in Israel, & erat pretiosus sermo Domini.* Olim solus Moyles Prophetæ. Unde Num. 11. scandalisati cum Prophetarent Eldad & Medad novi, & Aaron dixit Moyli. *Domine mi Moyles prohibe eos.* Sed ille? *quid amularis? quis tribuat ut omnis populus prophetet? & det eis Dominus spiritum suum?* Sed apud nos in electionibus multi Prophetæ. Prophetare tria significat 1. Tractare res Divinas, Joël 2. *Prophetabunt Filii vestri & Filia vestra. senes vestri somnia somniabunt, & Juvenes vestri visiones videbunt.* Tales sunt multi ut in regno Achab, dum non sint Sedecia, sed à DEO constituti Michea. Jer. 23. *Non mittebam Prophetas, & ipsi currebant, non loquebar illis, at ipsi prophetabant,* tales qui immunitatem Ecclesiæ impugnant. Jer. 22. *Visionem cordis sui loquuntur, & non de ore Domini,* Ista est statio Philistinorum. Supra arcam Domini jurisdictionem sibi usurpant contra tales Ezech. 13. *Decipiebant populum meum dicentes pax pax, & non erat pax.* Talis pax similis illi quam 1. Reg. 11. fecit Nahas cum Galaaditis. Illiperunt. *Habeto nos fæderatos.* At Nahas. *In hoc feriam vobiscum fædu, ut eruum omnium vestrum oculos dextros.* Talis qui fidem eripit.

eripit, qui zelum. Cur Ezech. 13. Pax non erat pax? *Dic ad eos quia liniunt parietem absque temperatura. Sine calce non coeunt lapides; fit quod i. Oor. 11. Audio scissuras esse inter vos. Ruce totum. Cur Jeroboam regnum non duravit? quia Ahias in partes concisum dedit illi pallium tradendo decem tribus. Si confuerit, erit cento, talis non decet Sponsam Christi, Tunica inconsutilis est, religio. 2. Prophetare idem est quod futura prædicere: Ita Eliseus prædixit Josaphato victoriam de Moabiticis, ipsi Joas de Syria. Isajas sanitatem Ezechia, Jeremias libertatem Jerosolymæ, tales pauci, sed ut Procop. in Genes. Vulgare & planum prophetia genus est prænuntiare ex bona semente bonam frugem, ex secundo ventorum flatu prosperam navigationem, ex apta cheli & apta manu cantum suavem. Taliter multi de hoc electo prophetarunt ex ejus Majoribus, ex propriis ejus meritis. Dicebat Trajyllus. *Boni omnes Prophetæ, optimi Chyromantæ, ex operibus, tum ex utilitate publica & cuiusque privata. Unde hic spiritus? accusatus Romæ Cajus Furius maleficii, quia semper bonam messem habuit. Ille ad curiam attulit occam & aratrum, ista sunt mea maleficia. Ita quis coram Electo reddet suæ prophetiæ rationem, mea intererat te esse Electum. 3. Prophetare, est idem, quod Dominum nominare, de Joanne Bapt. Et tu Puer Prophetæ Altrifini vocaberis, quia Joan. 1. ostendit. Ecce Agnus DEI ecce qui tollit peccata mundi. Magna res hæc. Salyian. de Providentia lib. 4. Quanta ista Joannis dignatio est, illum emulgatoria palam significasse voce, quem Pater celestis æternali fudit mente, temporali circumfudit carne. Tales Prophetæ apud nos sunt omnes Electores, nominant quem DEUS ab æterno elegit. In Ecclesia 1. Cor. 12. Nunquid omnes Prophetæ, nunquid omnes linguis loquuntur, nunquid omnes interpretantur? Apud Indos occidentales eligunt Regem sex viri, apud Sinenses tres, Apud vos cuneus**

C

Prophe-

Prophetarum qui frangit factiones. Aliis Rex datur, idem de aliis, moriendo. David 3. Reg. 1. Salomonem nominat, ipse sedebit super solium meum, & ipse regnabit pro me, illique precipiam ut sis Dux super israel, & super Judam. Debit populus acceptare. Et respondet Banajas filius Joiada Regi, dicens Amen. Sic loquatur D. DEUS Domini mei Regis. In Polonia liberè, possumus Electo dicere Prov. 31. Quid dilecte mi? quid dilecte uteri mei? quid dilecte votorum meorum? Alii pro Magistratibus sic orant. Pl. 65. Posuisti tribulationes in dorso nostro, imposuisti homines super capita nostra. Nos pro nostris 4. Esdrae 7. Dediti nobis virum consiliarum, quem praesentavimus tibi à principio. Sumus ut Aves Judicæ dictæ pupulæ, quæ earum volatum ex suo genere sequuntur, cujus ipsæ cristas crexerunt. Sed Electus potest sibi usurpare Lotarii Imp. A vobis, pro vobis, pro vobis. Quærebat ab Eligentibus Patria Cant. 5. Qualis est dilectus tuus ex dilecto ò pulcherrima mulierum? qualis est dilectus tuus ex dilecto quia adjunxisti? Alter textus, quia suspendisti me? Quem viduata Dignitas vult habere sponsam? Ruth. 3. Extende pallium tuum super me quia propinquus es mihi.

Duo Sauli à Samuele reduci acciderunt. 1. Vix inter Prophetas comparuit, factus est Propheta, quorsum id? Quilibet Magistratus debet esse Propheta. Campanus in vica Plurifii, dicebat hic. Ego cum divinos oderim, illum tamen divinum velim, cui intersit pericula populis impendentia presentire, praevocare, praecavere. Quia Jer. 1. Ego constitui te hodie super gentes, & super regna, ut evellas & destruas, & disperdas, & dissipes, & edifices, & plantes. Doceat populum legem DEI ut Joiadas sacerdos cum gladio. Ego autem constitutus sum Rex ab & super Sion montem sanctum ejus, predicans preceptum ejus, & testimonia ejus. Sed cur subito factus Saul Propheta? Ita hunc elegerunt, num ira circa alium concordet? Similes sumus Aquilæ illi 4. Esdrae. 12. Habemus alas multas, & de ventre vox exit, propter con-

vivia. Posset pingi apud nos quod in Capitolio & Vaticani horris, teste Pierio, Roma pingebat. Policletes funes facit, & afellus dissipat. Prudentes faciunt, sed modo istæ alæ, Ezech. 1. *Ubi erat impetus spiritus gradiebantur nec revertebantur cum ambularent.* Aug. in Joan. tr. 9. *Si uno flatu impleta dua tibia consonant, quomodo poterunt impleta plures lingua uno DEI spiritu dissonare?* & hic Spiritus S. descendit. Electus N. concorditer, & quod Ezech. 17. *Hæc dicit Dominus, aus ego assumam lignum Joseph quod est in manu Ephraim, & tribus Israel que sunt ei adjuncta, & dabo eas patiter cum ligno Juda, & faciam eos in lignum unum & erunt unum in manu ejus.* Alterum Sauli accidit quod Musica illi occurrit, triumphant quia illis Saul accessit, major læticia apud nos. Plus ex Electo nobis accessit. Deera t nauclerus, caput, sol, Acquisimus famam. Prov. 29. *Vir justus erigit terram.* Arcem munitam. Sap. 6. *Rex sapiens stabilimentum populi est.* In dubiis oraculum, Prov. 16. *Divinatio in labiis Regis, in judicio non errabit os ejus.* Vitam, Eccles. 10. *In hilaritate vultus Regis vita.* Omnem benedictionem. *Beata terra cujus Rex nobilis est.* Securitatem, Prov. 20. *Rex qui sedet in solio judicii dissipat omne malum intuitu suo, læti omnes, Musica.* Fiat Electo quod Samuel prædixit Sauli. *Quando venerint signa hæc omnia tibi, fac quacunque invenerit manus tua quia Dominus tecum est.*

Jam Electo accinit coelum & terra. Mos erat Græcorum ut scribit Sigon. lib. 11. ut Electus mitteret ad eligentes imaginem suam, illi acclamabant. *Vivat.* Sed imagine non eget Electus? Maximus. *Melior est pictura morum quam colorum, venustiores sunt oris lineæ quas nulle depravant moris tinea.* Depinxit se coloribus Majorum tuorum. Merito cum ad electionem concurrerit cælum cum terra, utrumque plaudet. *Vivat.* Quamvis abundet utriusque Musica, tamen nihil aliud reperit.

rit, quàm *vivat*. Frostardus & Leoniferus sedecim regna numerat, quæ hac voce utuntur, *vivat*. Sed & 1. Reg. 10. *Certe videtur quem elegit Dominus quoniam non sit illi similes in omni populo, clamavit omnis populus & ait, Vivat Rex.* Ita & Salomoni acclamatum 3. Reg. 1. *Sumpsit Sadoc Sacerdos cornu olei de tabernaculo, & unxit Salomonem, & cecinerunt buccinis, & dixit omnis populus, Vivat Rex Salomon.* Joas similiter 4. Reg. 11. *Produxit Jozada filium Regis, & posuit super eum diadema, & testimonium, feceruntque eum Regem & unxerunt, & plaudentes manibus dixerunt, Vivat Rex.* Sed Rex non solâ vitâ eger, cur plura non apprecatur?

Prima causa est licet omnia precentur Electo tamen cum solo vivat prodeunt, quia alia ipse potest acquirere si vitam habeat pro læticia &c. vita à sola DEO petitur. Narratur Jacobo quòd Filius ejus in Ægypto dominetur, afferuntur frumenta, at ille. *Sufficit mihi si adhuc filius meus Joseph vivit.* Nunquid Jacob aliis non eguit, & ipse Joseph? alia ipse acquireret. Edwardus secundus Rex Anglorum habuit pro symbolo Apem coronatam, Inscript. *Vitalis celitùs aura,* circumvolabant minores apes omnes laborantes. Inscript. *Agmina dant reliquum.* Ita in Farrag. symbol. Vita de cælo, ita & Charondas Imp: apud Sabell: dicebat *Vivere cura DEI est, nobis sint cætera cura.* Macedones cum ad Perseum ultimum suum Regem afferent statuam auream, ut Politian. in Miscell. Idem dicebant *Dent superi vitam nos fortunam;* Petimus à DEO vitam quia illam dare non possumus. Quare Bactriani in anniversario natalis sui Regis, ut scribit Epictetus var. hist. funebres urebant cupressos, cedros & myrthos immortales soli exposcebant, acclamando. *Pluant vitales Regibus ignes:* Ut tibi Electo id acclamemus, multa exiguit. Scribit Scрабо quod Amon in Ægypto prope templum Serapidis erexit ita artificio

ficiofam statuam, ut receptis solis Orientis radiis dulciter caneret, solem salutando. Tales statuæ sumus, tibi Orienti occidimus *Vivat*. Nisi malim Patriam appellare, de qua Plin. lib. 36. c. 15. Cameram Olympiæ dictam heptaphonon quæ septies Echo reddebat. *Vivat* ubique resonat. Pl. 60. *Dies super dies Regis adjicias, & annos ejus in generationem, & generationem.*

Altera causa cur acclamatur *Vivat*, quia vita Principis toram animat Patriam, Quare Virg. ait tres animas habuisse Herilum Regem Prænestinum, quia tribus Provinciis præerat. Moyses moriturus ita orat. Num. 27. *Provideat D. DEUS spiritum omnis carnis, hominem qui super multitudinem hanc, & possit exire & intrare ante eos.* Josue successorem appellat spiritum, & quidem omnis corporis, utique unum corpus habet, omnis caro est toties Israel qui spiritu Josue victurus erat. Cùm Elisæus mittit unum ex filiis Prophetarum in Ramoth. Galaad cum oleo ut Jephthe ungat in Regem. 4 Reg. 9. ita monet. *Cùm veneris illuc videbis Jehu filium Josaphat filii Namsi, introduces eum in interius cubiculum, tenensque lenticulam olei fundes super caput ejus, & dices. Hæc dicit Dominus. Unxit te Regem super Israel, aperiesque ostium, & fugies, & non ibi subsistes.* Cur clam? cur fugit? potiùs aliquid à Jehu petendum erat. Sed cur post se non clausit portam? Titus Bostrensis. *Quem Propheta clauso ostio unxit, spiritum pro se replevit: sed fugiens ostium aperuit, ut spiritus Regis foras in regnum prorumperet, tacitus admonuit.* Auditò quod Jehu Rex, Principes ex suis palliis faciunt ei tribunal: Quia deinceps spiritus Jehu illos calefacturus erat, quare illud *Regnavit Jehu.* Angelomus exponit. *Anima Regni Jehu.* Cor est primum vivens, hoc est Rex; deinde membra omnia non unum alit, & si unum, morbi sequuntur. Dan. 10. *Dissolutæ sunt compages meæ, & nihil in me virium remansit &c. Sed & halitus meus intercluditur.* Venit paralytis.

Sed & phlysis venit, Pl. 21. *Aruit tanquam testa virtus mea.* Sicut cedit spasmus Job. 7. *Cutis mea aruit, & contracta est.* Chyragra 1. Cor. 7. *Nemo militat suis stipendiis unquam.* Succedit cacochymia, murmur ventris Matth. 20. *Nos portavimus pondus diei & estus.* Nonne hi novissimi venerunt? cur iste? &c. cur ille, cur velles Gedeonis? His occidit S. Paulus Rom. 14. *Is qui manducat non manducantem non spernat &c.* Vide ibi sed rara hæc virtus, potius anima provideat, & faciet Electus. Sed quomodo una anima tot populis sufficiet? Cum electus esset Alphonius Rex Castellæ, acclamabant, *Vivat Rex*; ille addebat, *vivat Grex. vivat lex.* Tum vivit Grex quando vivit lex. Archidamas dedit causam cur apud Lacedæmonios viveret lex per 700. annos, dixit quia non in libris sed in cordibus servaretur. Sigis. Augustus Rex Poloniæ pro symbolo habuit calvariam incumbentem legibus, intra quam atdebatur lampas. Inscript. *Lex vult vivas*; Sed hic nihil vivit. Sed ut vivat, nesciat Judex cujus illa sit Calvaria, Affinis &c? Deut. 1. *Quod justum est judicate, sive Civis ille sit, sive peregrinus, nulla erit distantia Personarum, ita parvum audietis ut magnum, non accipietis cujusquam personam, quia DEI judicium est.* Lampas bene causam illustret. Charondas dicebat, *Volo Judices urinarios non piscatores.* Turbat aquam piscator ut pisces capiat, urinator oleum ex ore dimittit ut illustret. Exod. 23. *Non facies conturbationem in judicio si fuerit causa inter aliquos & interpellaverit judices quem justum esse perspexerint, illi justitiæ palmam dabunt.* Sed lex liber cur clausa? Apoc. 9. *Locuta sunt tonitrua, & ego scripturus eram, & dixit Angelus, noli scribere, sed signa tantum.* Solent esse tonitrua cum læges scribuntur, minæ &c. Electus animabit leges. Plin. scribit. *Cum Tiberius in thronum intraret, partes viarum se in contraria transtulerunt, faciet Electus.* Isai 40. *Erunt prava in directa, Et aspera in vias planas, siquidem ut Ammian. lib. 30. Cum rectè procedunt judicia delubra sunt*
equita-

aquiritatis; cùm depravatè, fovea fallaces & ceca, in quas sicaptus incidere quispiam, non nisi per multa exiliet lustra usque ad ipsas medullas exsuctus. Vivat Grex. vivet dum Rex illum nutriet. Alphonfus Rex Castellæ de quo supra, tale symbolum assumpsit. Pelicanus coronatos tres inæquales staturâ pullos suo sanguine nutrit. Deserit corvus pullos, perdix dat alteri excludendos. Sed non Pelicanus, talis Electus. Non dicet cum ficu Judic. 9. *Quomodo deseram dulcedinem meam? nec cum vite. Quomodo deseram vinum meum nec cum olea. quomodo deseram pinguedinem meam?* Sanguinem dedit. Gens in qua Electus es trahitur clementiâ & liberalitate. Plin. dicit lapidem esse in Thracia qui magna vi moveri non potest, agitur levi impulsu. Sunt multi aridi, *Viventne ossa ista?* Dic. *Ego intromittam in vos spiritum & vivetis, & dabo super vos nervos, & succrescere faciam super vos carnem. Tum fiet, ingressus est in eos spiritus, & revixerunt, steteruntque super pedes suos exercitus grandis nimis valde?* Sed aliquando accidit ut Gen. 28. Nascabantur ex Thamar gemelli, unus emisit manum, & hanc ligarunt funiculo rubro, retraxit ille manum, & alter prius natus. Uous habet spem, alter accipit. Accidit ut apud Assuerum Esther: 5. Aman cum Rege bibit &c. Mardocheus vitam. Regis curatus gladio, tamen hic post portam, ille ad mensam. Tandem Rex insomnis legit acta Mardochei, petit an remuneratus? Si ita fieret. Conscriberentur, legerentur. Accidit ut in Babilone Dan. 14. Rex putabat quod Bel data comederet: alii absumebant. Daniel monet *Ecce pavimentum, aspice cujus vestigia sunt. Rex. Video vestigia virorum & mulierum, & infantium. Vivat.*

Accinit & cœlum *Vivat.* Job. 28. *Concentum cœli quis dormire faciet?* Pythagoras putabat cœlos suo motu edere melos. Plato cuique cœlo attribuit sirenem, fabulæ. Canunt

in caelis Angeli, hoc est, quatuor animalia. Aquila, leo, bo, homo & 24. seniores. Apoc. 65. *Dignus est Agnus qui occisus est accipere virtutem & Divinitatem &c.* Superiores habent cum DEO connexionem, Angeli terræ præsent, quare etiam terrestribus bonis viris gratulantur ex amore, & orant ut vivant non solum terræ sed & caelo. Vivunt verò caelo per internam perfectionem, per externam erga Ecclesiam pietatem proximis. Triplices caeli Cantores hanc triplicem precantur vitam.

Primi sunt Angeli Apoc. 5. *Audivi vocem Angelorum multorum in circuitu throni &c.* Sunt enim *Administratores spiritus in adiutorium missi his qui hereditatem capiunt salutis.* Maxime illis attendunt à quibus alii dependent, illustrando intellectum, voluntatem incitando, affectum ad virtutem excitando, Hi primi canunt *Electo Vivat*, precantur Amorem DEI, humilitatem, temperantiam &c. pietatem. Epaminonda Duci Thebanorum, ut est apud Plut. reliquit Pater clypeum quem ita amavit, ut è bello vix vivus redux solum quaesivit, *Num scutum Patris superesset?* audio, quod sit. *Bene est, quod tutus vixi, tutus morior.* Hunc Clypeum Electe appella. Difficile inter magna negotia esse valde devotum. S. Maxim. *Animum quem per varias cogitationes, multiplices sermones, omnigenas actiones, curas, negotiositas dispergit, una sancta intentio, unum in omnibus placendi DEO studium, indidem colligit.* Cum benedicit Moytes filiis Jacob, Deut 38. ita primogenito Ruben. *Vivat Ruben & non moriatur, & si parvus in numero* Quid hoc? cur parvus? in oeconomia, famolis &c. parvus. Operatur in parvum se colligat, sicut lineæ circuli in centrum, in DEUM. Comparatur cor Magistratum fluminibus, Prov. 21. *Sicut divisiones aquarum, ita cor Regit in manu Domini.* Dividunt se flumina, tamen in unum mare influunt, ita Magistratus dum se

se per multa dissipant, redeant ad unum DEUM. Jovinianus Imp. habuit pro symbolo Crucifixum. Inscr. *Scopus vite mee est Christus.* Felix talis, est ut Jonathas 2. Reg. 1. *Sagitta Jonathas nunquam rediit retrorsum.* id est, intentio. Sap. 6. *Audite Reges & intelligite, disite Judices finium terra, praebeo omnes vos qui continetis multitudines, & placetis vobis in verbis nationum, quoniam data est a Domino potestas vobis & virtus ab Altissimo, qui interrogabit opera vestra & cogitationes scrutabitur.* Hoc Vivat tibi Electe precantur Angeli, ut te in uno colligas.

Alii caeli Cantores sunt quatuor animalia Apoc. 5. *In circuitu sedis quatuor animalia stabant &c.* naturae diversae Homo, leo, aquila, bos, quae potest esse consonantia? Sed quia hoc in caelo; debet esse. Musica movet affectus. Cassiod. *Cantus Dorius prudentia largitor est, & castitatis effector.* *Cantus Phrygius pugnas excitat, vocum furoris inflammat.* *Aeolius animi tempestates tranquillat.* *Lydius intellectum obtusis acuit, & terreno desiderio gravatus caelestium appetentiam inducit.* *Cantus est in anima honorum eximius operator.* Haec animalia serviunt Ecclesiae, quia quatuor Evangelistas exprimunt. Quatuor status figurant; aquila contemplativos, bos laboriosos, leo milites, homo pacatos. Quatuor virtutes indicant ad conservationem Ecclesiae necessarias. Homo humanitatem erga Clerum, leo fortitudinem contra haereses, aquila perspicacitatem contra pseudopoliticos, bos laborem ad alendos Ecclesiae servos. Haec animalia serviunt Ecclesiae itaque & Agno, & Magistratibus, qui sunt participes potestatis Agni. Accubi Electe; Vive quatuor Evangelis. Religioni, agnoscat in te Sacerdos humanitatem, haereses severitatem &c. Chrysostr in Joël cap. 13. *Egredietur fons de Domo Domini, ut spinas nostras, vitia atque peccata nullam frugem justitia habentia commutes in Domini novalia, & ariditatem nostram*

D

stram

stram rigat aquis largissimis, ut pro spinis ac vepribus flores multiplures germinemus, & in & loco ubi quondam israhel inicitus est Beelphegor, lilia castitatis, rosa pudoris, viola virginitatis exuberent. Vivat, Vivat, Electus.

Tertius chorus celestis constat 24. Senioribus. Apoc. 5. *Viginti quatuor Seniores ceciderunt &c.* Hæc Musica, gravis, sonora, Regia; sed instrumenta coronæ, cadunt infacient, tenent cytharas, phialas odoramentorum. Non miror cytharas, sed cur deponunt coronas? Locus ibi pompæ alii cantores hoc non faciunt. Petitiones à terra acceptas afferunt Agno. *Orationes Sanctorum.* Similes illis quas populus ab Holoferne afflictus Judith. 6. faciebant. *Ceciderunt in facies suas adorantes Dominum, & preces effuderunt dicentes. Domine DEUS celi & terra respice ad nostram humilitatem, & facies Sanctorum tuorum attende, ostende quoniam non derelinquis preces supplicantes de te.* Quare exempla sunt Principibus ut ab afflictis recipiant supplices libellos. Estis de terra ut & illi, reponite ad tempus Majestatem, recreate vestris cytharis, hæc sunt ita gratæ ut dicantur *Orationes Sanctorum.* Eccl. 29. *Conclude elemosynam in sinu pauperis, & hæc pro te exorabit ab omni malo, Tibi ergo Electe isti Senes canunt Vivat, hoc consistit in misericordia erga afflictos. Tob. 4. Quoniam misericordia à morte liberat, & facit invenire vitam æternam.* Rex Galliæ tactu manus & verbis illis. *Rex te tangit, Christus te sanat* strumas depellit. Utinam & tua manu tangas non committendo aliis, afflictos sanes: juvabunt cantare *Vivat.* Clausula hujus cantici. *Dicebant quatuor animalia Amen.* Et vos alii cum Sacerdotes orant pro Electo Dicatis Amen. Det ipsi DEUS &c. Amen.